



Graubünden reformiert
Grischun refurmà
Grigioni riformato

PUBBLICAZIUN NR. 691 DAL CUSSEGL DA BASELGIA

Atun 2026

REGISTER DAL CUNTEGN

Il Cussegl da baselgia evangelic (CB) preschenta a las plaivs e las Regiuns ecclesiasticas (RE) las suandantas tractandas ed infurmaziuns per discussiun ed orientaziun:

1.	consultaziun	2
1.1.	Objects da tractar	2
2.	communicaziuns e retschertgas dal CB	2
2.1.	Visitaziuns la primavaira 2027	2
2.2.	Realisaziun da la lescha da las plaivs: Sviluppar cuminaivlamain la plaiv	2
2.3.	Management energetic da las baselgias	3
2.4.	Termins d'inoltrar	4
2.5.	Respostas a las interpellaziuns da las radunanzas da primavaira	4
3.	communicaziuns e retschertgas dal decanat	6
3.1.	Predicaturas e predicaturs laics enfin a la Sinoda 2030	6
3.2.	Lubir ina predicatura laica	6
3.3.	«Die Bündner Kirche singt» - in di d'impuls musical	6
4.	elecziuns en il Cussegl grond evangelic (CGE)	7
4.1.	Elecziuns da las deputadas e dals deputads regiunals en il CGE	7
4.2.	Sistem d'eleger commembers dal Cussegl grond	7
4.3.	Propostas d'elecziun p.m. dal CGE	8
4.4.	Elecziun da renovaziun cumissiun da recurs	9
5.	Rapports regiunals	9
5.1.	Preschentaziun da las provisuras e dals provisurs	9
5.2.	Organisaziun da l'instrucziun da religiun 2026/27	9
5.3.	Propostas, impuls e dumondas	9
6.	infurmaziuns diversas	9
6.1.	Annunziar mutaziuns	9
6.2.	Giubileums	10
6.3.	Proceder tar la midada da l'uffizi da pravenda	10
6.4.	Sedutas dal des CGE 2026/2027	10
6.5.	Sedutas dal CB 2026/2027	10
6.6.	Radunanzas da la Sinoda 2027	10
6.7.	Termins da las radunanzas regiunals l'atun 2026	11
6.8.	Radunanzas regiunals la primavaira 2027	11
6.9.	Inoltrar ils protocols da las radunanzas regiunals	11
7.	Annexas (Adressas)	13

1. CONSULTAZIUN

1.1. Objects da tractar

I na dat nagins objects da tractar.

2. COMUNICAZIUNS E RETSCHERTGAS DAL CB

2.1. Visitaziuns la primavera 2027

En connex cun las conferenzas dals presidis regionalis renda il CB attent ad uras a las proximas visitaziuns. Nus supplitgain da sustegnair nus mintgamai cun registrar las datas da contact, la tschertga da termins pussaivels sco er pertutgand l'organisaziun da localitads adattadas per las scuntradas al lieu.

Las visitaziuns da la primavera 2027 pertutgan las suandatas regiuns:

- Am Rhein
- Bernina-Maloja
- Davos

2.2. Realisaziun da la lescha da las plaivs: Sviluppar cuminaivlamain la plaiv

La lescha davart las plaivs (LP) e l'ordinaziun respectiva èn dapi ils 1. da schaner 2026 en vigur. Per sustegnair la realisaziun da questas ha il CB lantschà il project «Umsetzung KGG – Kirche gemeinsam gestalten».

Il project ha las suandantas finamiras:

- L'assistenza e la realisaziun da la lescha davart las plaivs – en quellas ed en las Regiuns ecclesiasticas – vegnan organisadas da maniera coordinada tranter tuttas personas involvadas. E quai, per promover uschia ils process ed il svilup, al lieu ed en las regiuns.
- Las personas respunsablas èn infurmadas da tut las pussaivladads ed incumbensas che la LP porta. Ellas conuschan lur posts da consultaziun e las pussaivladads d'agid e percepeschan quai sco sustegn util.
- La lescha promova la midada ad ina cultura da la Baselpgia che ademplescha sia incumbensa cun uschè bleras personas cumpigliadas sco pussaivel.

Support

Previsiblamain davent il november 2026 offerescha il CB in pac da partenza cun divers material e pussaivladads da support. Sumegliant ad in stan da martgà pon las plaivs eleger quai ch'ellas dovran e ch'è d'avantatg per ellas.

- 1. Infurmaziuns:** Fegls d'infurmaziun, ina survista da termins impurtants, las dumandas pli frequentas e posts da consultaziun tar tematicas diversas;
- 2. Impuls per vegnir activs sezs:** Ina talkbox «Kirche weiterdenken», exempels da muster per descriver ils divers secturs da la suprastanza da plaiv, pussaivladads da barat per respunsablas e respunsabels da ressort, impuls pertutgand las pussaivladads extendidas davart l'appartegnientscha ad ina plaiv;
- 3. Assistenza e cussegliaziun:** Workshops strategics cun moderaziun pert. l'incumbensa da la plaiv, cussegliaziun giuridica, assistenza tar proceduras per il svilup organisatoric.

Infurmaziuns e termins

Las infurmaziuns e las pussaivladads da sustegn vegnan cumplettadas cuntinuadamain. Sin ina pagina web speziala vegnan ins a chattar las infurmaziuns actualisadas en connex cun la realisaziun da la LP. Plinavant datti cuntinuadamain infurmaziuns en las radunanzas regiunalas, a las occurrenzas sinodals, a la dieta da l'avegnir sco er ulteriurs meds da communicaziun adattads.

- **Pac da partenza pert. mesiras da realisar la LP:** previsiblamain d'avent il november 2026;
- **Adattaziuns urden da las plaivs:** Temp transitoric da trais onns daven dal schaner 2026; realisaziun enfin ils 1. da schaner 2029;
- **Dimensiun minimala 50 % d'in uffizi da pravenda:** Temp transitoric da set onns daven dal schaner 2026; realisaziun enfin ils 1. da schaner 2033.

Contact

Pertutgand dumondas e giavischs davart il project da coordinar la realisaziun da la LP è a Vossa disposiziun: Johannes Kuoni, johannes.kuoni@gr-ref.ch, 081 257 11 85

Barbara Grass, commembra dal CB e manadra da project

Johannes Kuoni, manader «Veta ecclesiastica» e manader dal project

2.3. Management energetic da las baselgias

En connex cun la tematica «Baselgia ed ambient» vul la Baselgia evangelica refurmada dal Grischun ch'ils edifizis ecclesiastics vegnian economisads da maniera persistente e ch'ins possia reducir lur consum d'energia. Ina impurtanza speziala latiers ha il stgaurament en las baselgias. D'ina vart duai esser garantì durant ils servetschs divins ed autras occurrenzas ina temperatura agreabla en il local. Da l'autra vart pon ins sa dumandar co che baselgias pon vegnir stgaudadas uschè effizient sco pussaivel en temps nunutilisads.

Per survegnir ina basa per mesiras adattadas avain nus fatg tar las plaivs ina retschertga da datas avart il consum d'energia sco er autras infurmaziuns relevantas en connex cun l'energia. L'analisa lubescha l'emprima giada ina survista davart il consum d'energia dals edifizis sacrali da la Baselgia evangelica chantunala. Quella mussa tge facturs che influenzeschan il consum.

Cun l'analisa avain nus pudì evaluar las datas da totalmain 179 baselgias. Ils resultats mussan che las baselgias vegnan utilisadas en la media trais giadas il mais. Il medem mument sa mussa ch'i dat differenzas considerablas tar il consum d'energia. Entant ch'ins registrescha tar 25 baselgias ina cifra da referenza energetica da damain che 20 kWh il meter quadrat ed onn, cuntanschan 31 baselgias valurs da dapli che 170 kWh il meter quadrat ed onn. En in proxim pass èsi planisà d'examinar pli precis l'aut basegn d'energia da quests edifizis.

Il biro specialisà «Ernst Baumann Bauphysik» a Bazenheid/SG ha retschet l'incumbenza d'organisar la retschertga. Sco successiun dal project vegnan uss trais baselgias examinadas pli detagliadamain. Las enconuschientschas che sa resultan da quest proceder duajan dar a las plaivs avis concrets co ch'ellas pon reducir vinavant il consum d'energia da lur baselgias.

In'attenziun speziala vala a la protecciun d'orglas, mobigliar e decoraziun istorica. L'expertisa mussa che las orglas drovan in clima cun ina umiditad relativa tranter 45 e 70 % en il local. Questa finamira po vegnir cuntanschida savens cun sbassar la temperatura da basa – empè d'in manaschi da stgaudar permanent – u cun sclauder il stgaudament tranter ils temps d'utilisaziun da l'edifizis. Mintga stgaudament extrai l'umiditad da l'aria dal local, quai che po avair consequenzas negativas per orglas, surfatschas da lain ed autras parts custavilas da l'architectonica interna. Perquai èsi da cussegliair da survegliar regularmain il clima intern cun in termoigrometer digital.

Per baselgias cun ina temperatura da pli che 8 °C ordaifer ils temps d'utilisaziun, sco er per edifizis cun in consum d'energia sur la media èsi cussegliaabel da reducir pass per pass la temperatura. Tar baselgias che vegnan utilisadas bei ina enfin duas giadas l'emna, po il stgaudament savens vegnir

messa giu dal tut. En blers cas sa lascha il basegn d'energia da stgaudar quattras sa reducir per enfin duas terzas.

Experientschas mussan che – schizunt cun stizzar il stgaudament tranter duas utilisaziuns – la temperatura sa sbassa en il local savens be uschia ch'i dovra per in restgaudament avant in servetsch divin in augment da temperatura da sulettamain 10 enfin 12 grads Celsius. Cun ils sistem da stgaudar existents pon ins cuntanscher quest augment da temperatura per regla, partend d'ina sveltezza maximala da stgaudar dad 1 enfin 1.5 grads l'ura entaifer paucas uras.

Pertutgand la realisaziun da las mesiras da spargnar energia vegn la Baselgia chantunala ad assister a las plaivs er en l'avegnir. Ils resultats da las examinaziuns detagliadas sco er ulteriuras recumandaziuns vegnin nus a communitgar al cumenzament da la proxima perioda da stgaudar. Dumondas en connex cun il management d'energia en las baselgias pon ins drizzar a l'administraziun da finanzas da la Baselgia chantunala.

2.4. Termens d'inoltrar

Ils mais passats han ins inoltrà a la Baselgia chantunala memia tard diversas dumondas da subvenziun da projects da construcziun, numnadamain pir durant l'execuziun u schizunt pir suenter ch'il project era finì. La basa legala vertenta preveda malgrà quai explicitamain che dumondas correspundentas stoppian vegnir inoltradas ed esser lubidas avant ch'il project cumenza.

Questa cundiziun n'è betg ina schicana administrativa. Il cuntrari, ella serva ad in tractament egual da tuttas plaivs e personas, ad ina examinaziun accurata da las dumondas sco er ad ina utilisaziun da gronda responsabladad dals meds finanzials da la Baselgia. Giudicar e dar lubientschas pon ins sulettamain sch'in project n'ha anc betg cumenzà. Dumondas che las plaivs inolteschan posteriuramain na lubeschan nagina procedura substanziala d'examinaziun e decisiun.

Il medem principi vala er per autras dumondas, sco sustegn per perfecziunaments, contracts da lavur u ulteriuras documentaziuns che pretendan ina lubientscha. Ils termens d'inoltrar ed ils andaments da procedura èn necessaris per ch'ils posts responsabels possian ademplir lur incumbensas e prender decisiuns sin ina basa fidada.

Malgrà avis cuntinuads ed infurmaziuns claras na vegnan las cundiziuns per part betg respectadas. Damai vesa il CB ch'igl è necessari d'applitgar pli consequent las determinaziuns. Davent il **schaner 2027** na vegn el perquai betg ad entrar sin dumondas ch'èn inoltradas memia tard, respectiv a refusar talas.

Il CB engrazia a tuttas personas responsablas che inolteschan entaifer il termin lur dumondas e documentaziuns. Ellas contribueschan cunquai da maniera effizienta, transparenta e confuorm al dretg d'ademplir nossas incumbensas cuminaivlas.

2.5. Respostas a las interpellaziuns da las radunanzas da primavaira

Per l'infurmaziun da tuttas delegadas e delegads publitgain nus qua ina survista da las propostas, impuls e dumondas or da las radunanzas da primavaira al CB e las respostas latiers.

La Regiun ecclesiastica Am Rhein ha drizzà al CB il suandant impuls:

L'instrucziun da religiun ecumena vegn ad esser l'avegnir. I dat damai adinda dapli uffants senza confessiun. Las classas da religiun vegnan adina pli pitschnas e per las scolas vegni adina pli grev da planisar ina lecziun da religiun per pliras classas il medem temp. In plan d'instrucziun ecumen exista ed el è ponderà bain. Deplorablamain n'han ins betg resguardà il proceder da la salarisaziun.

La Regiun ecclesiastica «Am Rhein» propona ch'ins schligia la problematica dals salaris ineguals tranter personas d'instrucziun da religiun refurmadas e catolicas.

Resposta: Cun elavurar la lescha da persunal han ins dà pais da resguardar ils standards da scolaziun differents er finanzialmain.

Tar las persunas d'instrucziun da religiun datti quatter differentas scolaziuns:

1. Persuna spezialisada religiun cun scolaziun da pedagogia da religiun per il stgalim primar
2. Persuna spezialisada religiun cun scolaziun da pedagogia da religiun per il stgalim superiur, per l'instrucziun en la scola reala e secundara
3. Persuna d'instrucziun primara AVS
4. Persuna d'instrucziun reala e secundara AVS

En il decurs dal temp ha la Baselfgia chantunala catolica auzà generalmain lur indemnizaziuns d'enfin qua cleramain pli bassas sin il nivel da las persunas d'instrucziun AVS. Quest tractament egual da las funcziuns differentas maina dentant ad in tractament inegual en connex cun las scolaziuns differentas e lur pretensiuns.

Tar l'instrucziun ecumena ha quest fatg la consequenza che la medema persuna d'instrucziun da religiun vegn – gist tenor patrun da lavur, plaiv catolica u reformada – indemnizada differentamain. Tar cumparegliaziuns da las pajas èsi decisiv ch'ins resguarda las cundiziuns d'engaschament en lur complexadad e ch'ins na cumpareglia betg sulettamain las duas pajas ina cun l'autra. Pertge dasper il salari han regulativs da perfecziunament (conto da perfecziunament, sabbatical resp. regal d'anzi- anitad), las prestaziuns socialas (cunzunt il provediment professiunal), las regulaziuns da spaisas ed ulteriuras «fringe benefits» ina influenza substanziala sin l'attractivitat totala dals engaschis ecclesi- astics. La stricta cumparegliaziun da las cifras na persvada betg il CB. Sch'ins cumpareglia numnad- amain la totalitad da cundiziuns, dretgs ed obligaziuns, èn collavuraturas e collavuratur da nossa Baselfgia chantunala posiziunads fitg bain, damai ch'igl è inditgà da restar tar la schliaziun d'enfin qua.

La Regiun ecclesiastica Bernina-Maloja ha drizzà al CB in impuls ed ina proposta:

Per las vischnancas da lingua taliana e rumantscha duai il nov med d'instrucziun dal rom religiun es- ser obligatorics pir davent dal mument ch'i dat ina translaziun en las duas linguas. Tenor plan duessia quai esser il cas pir davent da l'onn da scola 2027/28.

Resposta: Il med per l'instrucziun da religiun sviluppà da nov n'è betg obligatorics. Per il cas che plaivs sa decidan d'applitgar e duvrar il med nov è obligatoria sulettamain la scolaziun corre- spudenta.

Las lavurs da translatar il med en rumantsch e talian cumenzan il schaner 2027.

Proposta unanima da la Regiun Bernina-Maloja a la Baselfgia chantunala ch'il «Fondo di aiuto pastori italiani» vegnia integrà en il plan da las collectas sco intent regular d'ina collecta chantunala.

Resposta: Il CB examinescha actualmain da nov il plan da collectas chantunal. Igl è pussaivel ch'in vegn a resguardar il «Fondo di aiuto pastori italiani» en ina furma che sto anc vegnir definida.

La Regiun ecclesiastica Herrschaft-V Dörfer ha inoltrà al CB il suandant impuls:

Sco resun [pert. las visitaziuns] intimescha la RE il CB da reponderar en il futur la structura da las participantas e dals participants. La scuntrada è stada concentrada fitg sin presidentas e presidents. Cun Johannes Bardill è stà preschent sulettamain in plevon. E il senn d'in «directori cuminaivel da la cuminanza» avessen anc dapli persunas da la pastoraziun dui esser preschentas. En general ha la RE dentant valità positivamain la visitaziun e la vischinanza tar il CB.

Resposta: Il CB accepta gugent quest impuls e vegn a far ponderaziuns pertutgant la structura da participantas e participants da las futuras visitaziuns.

3. COMUNICAZIUNS E RETSCHERTGAS DAL DECANAT

3.1. Predicaturas e predicaturs laics enfin a la Sinoda 2030

Il Decanat ha dà a Jasmin Baumgartner, Regiun ecclesiastica Prättigau, la concessiun da predicatura laica. A las suandantas persunas ha ella prolungà quella enfin la Sinoda 2030:

- Helmut Andres, Regiun ecclesiastica Ela
- Seraina Guler, Regiun ecclesiastica Engiadina Bassa-Val Müstair
- Hanspeter Joos, Regiun ecclesiastica Herrschaft-V Dörfer
- David Lederer, Regiun ecclesiastica Heinzenberg-Domleschg
- Christian Pfeiffer, Regiun ecclesiastica Davos
- Edi Wäfler, Regiun ecclesiastica Am Rhein
- Hanspeter Walther, Regiun ecclesiastica Heinzenberg-Domleschg

Il Decanat engrazia a las predicaturas ed als predicaturs laics d'enfin qua sco er a la nova per lur servetsch a favur da l'annunziasiun cristiana.

3.2. Lubir ina predicatura laica

Pertutgand conceder ina lubientscha a predicaturas e predicaturs laics èn involvads tant la plaiv, la radunanza regiunala sco er il Decanat (guarda lescha ed ordinaziun d'admissiun, CLBE 910 e 912). Il Decanat dat mintga mez onn las concessiuns e supplitgescha latiers da resguardar ils suandants puncts:

La supranza da plaiv e l'uffizi da pravenda proponan ina persuna che collavura en ina plaiv grischuna (art. 32 lescha d'admissiun). I valan las suandantas cundiziuns (art. 9 ordinaziun d'admissiun): 1. Persunalitad cumprovada e cun experientscha da vita; 2. Persuna interessada a la teologia ed affiliada a la tradiziun reformada da la Baselia chantunala; 3. Voluntad d'annunziar il pled da Dieu conscienziusamain tenor meglier savoir, conform a la Sontga Scritira e tenor ils principis da la Baselia evangelica reformada; 4. Prontadad da respectar conscienziusamain la constituziun e la legislaziun da nossa Baselia; 5. Cult divin d'emprova en la plaiv. Il Decanat supplitgescha las plaivs da preschentar a scrit la proposta per il/la predicatur/a e da communitgar cura ch'il cult divin d'emprova è stà.

La **radunanza regiunala** pren en consegna la proposta da la plaiv. Las candidatas ed ils candidats sa preschentan cun in curriculum. Suentar suanda ina votaziun secreta, vul dir a scrit, davart la proposta. Il Decanat supplitgescha la Regiun ecclesiastica d'aschuntar al protocol il curriculum da la persuna u d'inditgar en quel ils puncts pli impurtants sco er da remartgar il resultat da la votaziun.

Ulteriuras indicaziuns chattan ins en «Kirche Praktisch». En cas da dumondas è la cancellara, plevonessa Ursina Hardegger (kanzellarin@gr-ref.ch), gugent a disposiziun.

3.3. «Die Bündner Kirche singt» - in di d'impuls musical

Decanat e Cussegl da baselia envidan cordialmain ad in di d'impuls cun l'accent a la musica: Parter e scuvrir da nov il gust e plaschair dal chant da cuminanza. Retschaiver ed experimentar simpels impuls che vulan motivar ed animar la glieud pil chant. Propostas ed ideas d'organisar en la regiun ina atgna saira da chant, in cult divin u in di da chant.

Il di d'impuls è ensemen cun la dieta da lavur da la Sinoda, e quai sonda, ils 6 da favrer 2027 en il center Comander a Cuira. La gruppa «Netzwerk Gesang Graubünden» ed il Decanat concepeschan cuminaivlamain il program. «Enchanté - gemeinsam singen in der Kirche» è il motto dal process da chant da las Baselgias reformadas en Svizra. Il di d'impuls a Cuira è ina part da quel.

L'invit sa drizza a tuttas persunas che han da far en las plaivs cun la musica: organistas ed organists, dirigentas e dirigenti, plevonessas e plevons, diaconas e diacons, persunas d'instrucziun da religiun,

persunas cumpetentas per il chant e per festivar cun uffants e creschids, commemoras e commembers da suprastanza e commemoras e commembers da plaiv interessads a la tematica.

Il CB supplitgescha las suprastanzas da plaiv sco er plevons e plevonessas da sa participar, ensemen cun persunas interessadas da lur plaiv, al di d'impuls e da purtar vinavant en lur regiun las ideas da «Die Bündner Kirche singt».

Infurmaziuns detagliadas suandan anc quest atun. Da prenotar: S'annunziar per la dieta pon ins en fin ils 22 da schaner 2027 tar: kanzellarin@gr-ref.ch Sinodals, provisuras e provisurs valan sco annunzias e talas persunas supplitgain nus da communitgar sch'ellas na pon betg esser preschentass.

4. ELECZIUNS EN IL CUSSEGL GROND EVANGELIC (CGE)

4.1. Elecziuns da las deputadas e dals deputads regionalis en il CGE

La legislatura dal CGE cumenza ils 1. da november 2026. Il temp d'uffizi dura quater onns. En las radunanzas d'atun da las Regiuns ecclesiasticas ston damai las delegadas/ils delegads vegnir confirmads u elegids da nov.

Las Regiuns ecclesiasticas han il dretg sin il suadant dumber da mandats en il CGE:

Regiun ecclesiastica Am Rhein	5 delegadas/delegads
Regiun ecclesiastica Bernina-Maloja	5 delegadas/delegads
Regiun ecclesiastica Davos	4 delegadas/delegads
Regiun ecclesiastica Ela	3 delegadas/delegads
Regiun ecclesiastica Engiadina Bassa-Val Müstair	4 delegadas/delegads
Regiun ecclesiastica Heinzenberg-Domleschg	4 delegadas/delegads
Regiun ecclesiastica Herrschaft-V Dörfer	8 delegadas/delegads
Regiun ecclesiastica Prättigau	7 delegadas/delegads
Regiun ecclesiastica Sassal-Cuira	8 delegadas/delegads
Regiun ecclesiastica Schons-Avras-Rheinwald-Moesa	3 delegadas/delegads
Regiun ecclesiastica Schanfigg-Churwalden	4 delegadas/delegads
Regiun ecclesiastica Surselva	5 Delegadas/delegads

Nus engraziain che Vus tramettai cun e-mail a noss secretariat (info@gr-ref.ch), immediat suenter la radunanza regionala, la glista d'adressas da las delegadas/ils delegads elegids.

4.2. Sistem d'eleger commembers dal Cussegl grond

Dasper quels deputads che las radunanzas regionalas han d'eleger pon ils commembers dal Cussegl grond dal chantun Grischun far part dal Cussegl grond evangelic. La cundiziun è che quellas persunas èn commemoras da la Baselia evangelica refurmada dal Grischun. La Baselia chantunala dumonda quellas persunas ed ellas pon declarar lur collavuraziun (art. 35 CBE). Persunas che han la funcziun da suppleants per il Cussegl grond pon medemamain far part dal Cussegl grond evangelic.

Las deputadas ed ils deputads che occupeschan in post en il CGE sco commembers dal Cussegl grond n'èn betg da resguardar tar il dumber en la glista publicada survart. Il CB supplitgescha ils commembers da las radunanzas regionalas da pledentar deputadas e deputads novs u reelegids

pertutgand in engaschi en il CGE. Las deputadas ed ils deputads politics apportan bleras enconuschientschas spezialisadas e prestan ina contribuziun impurtanta per ina buna rait da contacts socials.

Deputadas e deputads evangelic-refurmads d'enfin qua domiciliadas en la Regiun ecclesiastica che n'èn betg stadas en las elecziuns, pon restar vinavant en il CGE sche lur Regiun ecclesiastica deleghescha ellas u els. Nominadas vegnan delegadas u delegads da lur Regiun ecclesiastica. Questas persunas apportan experientschas custaivlas or da lur activitad politica che pon esser d'avantatg per la Baselfgia. Il CB renda perquai gugent attent a la pussaivladad da gudagnar anteriuras deputadas e deputads per ina delegaziun da lur radunanza regiunala.

Il CB supplitgescha las Regiuns ecclesiasticas da far ina glista separada e cumpletta da tuttas delegadas e delegads en il Cussegl grond evangelic. Questas glistas ston cuntegnair prenums, numms, adressa, lieu, numra da telefon ed adressa dad e-mail da las persunas. Damai che las persunas elegidas vegnan envidadas gia mez d'october a la proxima sesida dal CGE, supplitgain nus da trametter il pli svelt pussaivel questa glista a l'actuara substituta dal CB (silvana.menzli@gr-ref.ch). Nus engraziain cordialmain per Voss sustegn.

4.3. Propostas d'elecziun p.m. dal CGE

Ils 18 da november 2026 sa raduna il Cussegl grond evangelic a sia seduta constitutiva da la nova legislatura (art. 4-6 UG CGE). La radunanza cumenza cun las suandantas elecziuns:

- Directori (president/a, 1. e 2. vicepresidente/a, du(a)s dumbravuschs
- Cumissiun da gestiun (5 commembers)
- Cumissiun da redacziun (3 commembers)

Las Regiuns ecclesiasticas pon inoltrar, cun il protocol, lur propostas d'elecziun. Il directori dal CGE vegn ad ordinar e cumplettar quellas per mauns dal plenum dal CGE.

La gliesta che suanda renda attent tge funcziuns che ston vegnir occupadas da nov. Tuttas persunas inditgadas cun «enfin qua» e menziunadas cun num sa mettan da principi a disposiziun per ina ulteriura perioda d'uffizi. Questas indicaziuns duajan gidar las Regiuns ecclesiasticas da focussar lur propostas d'elecziun sin las funcziuns ch'èn d'occupar da nov.

Direcziun dal CGE 2027/30

Commembers	presidenta/president (nov)
	Aita Biert, Cuir (enfin qua 1. vicepresidenta)
	Martin Butzerin, Peist (enfin qua 2. vicepresidente)
	Plevonessa Silke Manske, Claustra (enfin qua dumbravuschs)
	Andri Poo, Filisur (enfin qua dumbravuschs)

Igl è giavischaivel ch'i vegnan proponidas per il directori persunas commembras dal Cussegl grond, da la Sinoda, da las Regiuns ecclesiasticas, umens e dunnas da lingua tudestga, rumantscha u taliana.

Nus supplitgain las Regiuns ecclesiasticas da proponer spezialmain persunas adattadas sco presidenta u president, sco er vicepresidenta u vicepresidente. Il temp d'uffizi per tuttas trais persunas dal directori dura dus onns. La medema persuna na po betg vegnir elegida pliras giadas en fila en la medema funcziun (art. 5 al. 3 UG CGE).

Cumissiun da gestiun 2027/30 (5 commembers)

Commembers	Leonhard Kunz, Fläsch (enfin qua)
	Plevon Jörg Wuttge, Tusaun (enfin qua)
	Gundi Demarmels, Pignia (enfin qua)
	Peter Engler, Tavau (enfin qua)
	in ulteriur commember (nov)

Cumissiuin da redacziun 2027/30 (3 commembers)

commembers Peter Wolfensberger, Cuira (enfin qua)
 dus ulteriurs commembers (novs)

4.4. Elecziun da renovaziun cumissiuin da recurs

A la seduta dal Cussegl grond evangelic dals 18 da november 2026 èn las elecziuns da renovaziun da la cumissiuin da recurs. Il plenum sto confirmar respectiv eleger da nov trais commembers ed in substitut. En sia reuniun dal gүн/zercladur a Flem ha la Sinoda gia elegi ses dus commembers en la cumissiuin da recurs, numnadamain ser Simon Becker, Schiers, e plevonessa Miriam Neubert, Cuira. Plinavant sco substitut Oliver Santschi, Sufers.

Cumissiuin da recurs 2027/30

commembers dr. Rudolf Kunz, Cuira (enfin qua)
 lic.iur. Nina Tinner, Rothenbrunnen (enfin qua)
 in ulteriur commember (nov)
substitut dr. Andri Mengiardi, Cuira (enfin qua)

5. RAPPORTS REGIONALS

5.1. Preschentaziun da las provisuras e dals provisurs

Nus envidain las RE da profitar dal termin da lur radunanza per beneventar novas plevonessas u plevons e d'emprender a conuscher quellas/quels. Per quest intent s'adattescha ina preschentaziun a bucca che dat envista en la lavur da la provisura resp. dal provisur.

5.2. Organisaziun da l'instrucziun da religiun 2026/27

Er quest onn da scola registrescha il post spezialisà da la pedagogia da religiun las datas da l'instrucziun da religiun. Sch'i sa resultan en il decurs da l'onn da scola 2026/27 problems en las plaivs, pon las persunas respunsablas contactar directamain il post spezialisà e sia manadra, plevonessa Barbara Hanusa (barbara.hanusa@gr-ref.ch).

5.3. Propostas, impuls e dumondas

Tenor art. 27 cf. 11 da la constituziun da la Baselpgia chantunala po la Regiun ecclesiastica trametter vinavant al CB propostas, impuls e dumondas ch'ella retschaiva. Quai po far sulettamain la radunanza regiunala e betg singuls delegads. Il resultat exact da la votaziun en chausa è d'inditgar en il protocol.

Sch'il CB recepescha *propostas*, preschenta el quellas per consultaziun a las RE ed a la Sinoda. Alura fa il GCE la discussiun finala surlonder. Propostas che vegnan acceptadas chaschunan midadas da la lescha. Sch'il CB tracta *impuls* e *dumondas*, po el prender en quest senn sez las mesiras e realisar quellas.

6. INFURMAZIUNS DIVERSAS

6.1. Annunziar mutaziuns

Nus supplitgain las plaivs d'annunziar uschè svelt sco pussaivel al secretariat da la Baselpgia chantunala midadas da persunal, saja da lur suprastanzas (inclus las cumpetenzas tenor art. 66 LP), dals delegads da la RE sco er da collavuraturas e collavuratur. Il secretariat maina glistas per invits a

sedutas da las RE, per radunanzas dals organs da la Baselgia chantunala e per distribuziuns d'informaziuns impurtantas che van a las personas pertutgadas e commembers da las autoritads ecclesiasticas da las plaivs. Infurmaziuns actualisadas simplifitgeschan la lavur, tant da las plaivs sco er da noss secretariat.

6.2. Giubileums

Las suprastanzas regionalas e las plaivs pon annunziar al CB giubileums da servetsch (20, 25 u 30 onns) d'emploid(a)s ecclesiastic(a)s e collavuratur(a)s voluntari(a)s. Tgi che lavura pli ditg che 20 onns per ina plaiv e che finescha l'activitad per quella, pon ins medemamain annunziar. Vus pudais aschuntar las annunzias al protocol u trametter quellas a scrit sco communicaziun separada a l'actura dal CB (kirchenratsaktuar@gr-ref.ch). Igl è indispensabel d'inditgar il num cumplet e l'adressa da la persuna sco er sia funcziun e la durada exacta da l'engaschament.

Las giubilaras ed ils giubilar, resp. collavuraturas e collavuraturs sur blers onns, survegnan, dasper la renconuschientscha atras la plaiv u la RE, in document uffizial sco er in regal dal CB.

6.3. Proceder tar la midada da l'uffizi da pravenda

En la pagina d'internet da la Baselgia chantunala (www.gr-ref.ch/downloads) chattais Vus in fegl d'informaziun cun recumandaziuns co ch'igl è da proceder cun occupar da nov il post da plevon u plevonessa (guarda sut «Pfarrpersonensuche, Checkliste»). En la pagina d'internet è a disposiziun er ina glista da substitutas e substituents.

Tar mintga midada d'in uffizi da pravenda è fixada ina inspeccziun extraordinaria en la partiziun correspundenta da l'archiv da la plaiv. Questa lavur exequescha in commember da la cumissiun d'archiv da la Baselgia chantunala. Il CB supplitgescha las suprastanzas da las RE ch'ins orienteschia, avant ch'ina plevonessa u in plevon bandunia l'uffizi, il president da la cumissiun d'archiv, ser Georg Felix, (kirchenratsaktuar@gr-ref.ch). Tenor reglament 821 surpren la plaiv ils custs da questa inspeccziun.

6.4. Sedutas dal des CGE 2026/2027

Mesemna, 18 da november 2026, sala dal Cussegl grond, Cuira.

Mesemna, 2 da gүн/zercladur 2027, sala dal Cussegl grond, Cuira.

Mesemna, 17 da november 2027, sala dal Cussegl grond, Cuira.

6.5. Sedutas dal CB 2026/2027

Il CB sa scuntra ina giada il mais. Giavischs e supplicas a quest gremi duajan ins drizzar a l'administraziun almain trais emnas avant il termin correspondent da sesida.

Termins da las sedutas 2026: 13 d'avust, 17 da settember, 29 d'october, 19 da november, 10 da december.

Termins da las sedutas 2027: 14 da schaner, 11 da favrer, 18 da mars, 15 d'avrigl, 13 da matg, 10 da gүн/zercladur, 1 da fanadur, 12 d'avust, 16 da settember, 28 d'october, 18 da november, 9 da december.

6.6. Radunanzas da la Sinoda 2027

6 da favrer 2027, dieta da lavur a Cuira

24 – 28 da gүн/zercladur 2027, Sinoda ordinaria a Valsot

6.7. Termens da las radunanzas regionalas l'atun 2026

Regiun ecclesiastica Am Rhein	2 da settember
Regiun ecclesiastica Bernina-Maloja	2 da settember
Regiun ecclesiastica Davos	9 da settember.
Regiun ecclesiastica Ela	16 da settember
Regiun ecclesiastica Engiadina Bassa-Val Müstair	16 da settember
Regiun ecclesiastica Heinzenberg-Domleschg	9 da settember
Regiun ecclesiastica Herrschaft-V Dörfer	2 da settember
Regiun ecclesiastica Prättigau	9 da settember
Regiun ecclesiastica Sassal-Cuira	25 d'avust
Regiun ecclesiastica Schons-Avrar-Rheinwald-Moesa	9 da settember
Regiun ecclesiastica Schanfigg-Churwalden	26 d'avust
Regiun ecclesiastica Surselva	9 da settember

Las proximas conferenzas presidialas da las Regiuns ecclesiasticas en mesemna, ils 10 da favrer 2027, e mesemna, ils 11 d'avust 2027, mintgami da las 14.00 a las 16.00.

6.8. Radunanzas regionalas la primavaira 2027

Nus supplitgain d'inditgar en il protocol ils termens da las radunanzas regionalas da primavaira da l'onn proxim.


6.9. Inoltrar ils protocols da las radunanzas regionalas

La radunanza a la quala il CB vegn ad evaluar ils protocols da las radunanzas regionalas è l'october 2026, la documentaziun latiers vegn tramessa la fin da settember 2026.

Per ch'ins possia far l'evaluaziun essan nus engraziaivels sche Vus tramettai il protocol en furma electronica (sco datoteca Word, betg scanà) **il pli tard ils 20 da settember 2026** a noss secretariat, (info@gr-ref.ch). Ils protocols en furma da palpir e suttascrits, inclus las aschuntas, vegnan archivads. Per plaschair tramettai quels il pli tard ils **15 d'october 2026** medemamain al secretariat.

Cuira, fanadur/lügl 2026

Cussegl da baselgia evangelic

A handwritten signature in black ink, appearing to read 'E. Cahenzli' with a stylized flourish at the end.

Erika Cahenzli-Philipp
presidenta

A handwritten signature in black ink, appearing to read 'G. Felix' with a stylized flourish at the end.

Georg Felix
actuar

7. ANNEXAS (ADRESSAS)

Actuar dal CB

Ser Georg Felix
Loëstrasse 60, 7000 Cuir
081 257 11 03
georg.felix@gr-ref.ch

Secretariat

Loëstrasse 60, 7000 Cuir
081 257 11 00
info@gr-ref.ch

Administratur da finanzas

Marcel Schädler
Loëstrasse 60, 7000 Cuir
081 257 11 04
marcel.schaedler@gr-ref.ch

Direcziun Vita ecclesiastica

Johannes Kuoni
Loëstrasse 60, 7000 Cuir
081 257 11 85
johannes.kuoni@gr-ref.ch

Pedagogia da religiun en scola

Pfrn. Dr. Barbara Hanusa
Loëstrasse 60, 7000 Cuir
081 257 11 86
barbara.hanusa@gr-ref.ch

Post da stab communicaziun

Jan Roth
Loëstrasse 60, 7000 Cuir
081 257 11 06
jan.roth@gr-ref.ch

Cancelliera (decanat)

Plevonessa Ursina Hardegger
Loëstrasse 60, 7000 Cuir
081 257 11 02
kanzellarin@gr-ref.ch

Medioteca ecclesiastica

www.mediogr.ch

Pagina web da la Baselgia chantunala

www.gr-ref.ch

Infurmaziuns e servetschs guarda «Downloads» e «Kirche Praktisch» (sut «Service»)